



DEFENSORÍA DEL PUEBLO
ESTADO PLURINACIONAL DE BOLIVIA

DECLARACIÓN UNIVERSAL DE DERECHOS HUMANOS

SIRIONÓ



TODAS Y TODOS SOMOS
DEFENSORES DEL PUEBLO



DECLARACIÓN UNIVERSAL DE LOS DERECHOS HUMANOS



SIRIONÓ



DEFENSORÍA DEL PUEBLO

ESTADO PLURINACIONAL DE BOLIVIA



DECLARACIÓN UNIVERSAL DE DERECHOS HUMANOS

Producido por: Defensoría del Pueblo
Depósito Legal: 4 - 2 - 96 - 08 P.O.
Diseño: Edwin Cusicanqui L.
Impresión: Impresiones Gráficas "VIRGO"

Segunda Edición, 2.000 ejemplares
La Paz, julio de 2009

Proyecto de Traducción de la Declaración Universal de los Derechos Humanos
a Lenguas Nativas.

- Alto Comisionado de las Naciones Unidas para los Derechos Humanos
 - Programa de las Naciones Unidas para el Desarrollo
- Oficina del Coordinador Residente del Sistema de las Naciones Unidas
 - PRODUCCIÓN U.C.B./SECRAD
(Servicio de Capacitación en Radio y Televisión para el Desarrollo)

DIRECCIÓN GENERAL
Lic. José Luis Aguirre Alvis

FACILITADORES DE LOS TALLERES DE TRADUCCIÓN
Lic. Mónica Sahonero
Lic. Carlos Sotomayor

2001 U. C. B./SECRAD, Bolivia
webmaster@pnud.bo



 **canasta
de fondos**

Bélgica-Canadá-Dinamarca-Holanda-Suecia-Suiza-PNUD



Artículo 1

Nande nyaacuquia ramo mose, mbae mo aba mbecoteã arõneãnte i jachõ nandere, nande resenda rese.

Artículo 2

Mbia chõõ nandere, abae eã ñõ nandere, ei ja choõ nande ï re amii, ari acuanĩ ï jachõ nande chëë nde, nande rerecua abe. Sirionó ñõ nandere mbae isiquia nyareã nducucha chõ nandere.

Abae rerecua rã sii chõ nande rerecua re, nande mbae ibi, nande riiri mbaaquiatusa, nande rasi rea reasa, mbae isi isiquia abe no.

Sendua ndua rã sichõ jëigo i arõneãnte abae nandeye. Paba rui ra jëigo eãnte i arõneãnte abaemo nandeye.

Artículo 3

Abae mo nande mombo arõneãnte nande chuchuaasi
siqui icuã icuã arõneãnte nande je.

Artículo 4

Abae mo mbae isiquia mo tãmondo ndeje nderiirĩ ndim-
bisorö ï aroneãnte nande je, uqui eãnte ra cote.

Artículo 5

Abae ra mbae icuã saã arõneãnte nande je cote.
Nande mo abera, mbae icua saã arõneãnte nande
nongue je.

Artículo 6

Mani ndejere irae abae mo nande je, serimbarã nde ira
emo je, tei nande chõ ee.





Artículo 7

Abae kuerecua cheë mümbayã , mose, embese jii rui, i nande chõ echeë ndui sii nande abe.

Artículo 8

Abae rerecua tuchi, nya aque nande riquisã abae nande tarõ serĩ mose, nande nongue mbae icuãnaã mose abe no.

Artículo 9

Abae nande tarõ chõõño arõneãnte, mbae icuã naã eã mose, nande mombo arõneãnte, nande bae ibi sii.

Artículo 10

Nande mbae bii abe choõ abae isi nguiã nande sii, nya mbuchao turã nande abe je mbia jaa resaa. Nande abe quia nande riiri nande mbaaquiato turã. Jë, mbae nande sãã icuã mose sãã mbia irãndu ja.

Artículo 11

Mbae rãã icuã mose rōcui nande je, ñeë ñōōño mose abe nande nongue irãnuã, mbua ae mãë mbae riirō ndese nae, nyaa aque ñeë nyecua erecua je, ae tuchique ra nyaa.

Nde emo mbae riirō ndese mãë mose erechëë eã mose, mbaecha Embiirãndu ndeabe, ñōō mbae riirosa ñōō ndeabe re, nde mbae riirōã mose ndetarō arōneãnte ndeso mose isho mose abe.

Artículo 12

Nande resenda mbia mo, ique chōññō arōneãnte nande chuchuaa, abea mo abe no, Emo mbae mbesa ji nondo mose nande je, Emo ique arōneãnte no, mbae mbesa ji equia arōneãnte. Nyaa ererecua nande reaquiatu ja chō abae rã si ã esãã i mose nande je, tei nande chō ee. Nande mo, abaemo abe no, ñeë icuã arōneãnte nande rii.





Artículo 13

Nande oso mose isho ibimo tei, ososhĩ ndare, i arõneãnte abae rerecua nande mo je.

Nembae eã chõ ibi mo nde, ibímo nda eresoã i arõneõnte nande mo je, nande chebi mose u ibi mo si, mbaerã erechebi re, i arõneãnte nande je no.

Artículo 14

Nandemo oso mose isho ibi mo uchã, sereaquiato se nande emo iquia mose mbae mo rirõ mose abe no.

Ererecua ra ñee nande je, mbae icuã eresããchinde emo ereiquiachinde eso rei asĩ nembae ibi, areriquisãã arõneãnte se, i ra abae rerecua nande je.

Artículo 15

Mbía sirionó tuchi chõõ nande ja re. Sirionó eã ñõõ jënde, i arõneãnte abae rerecua mo nande je.

Artículo 16

Acuanindu tiarō mose, shãã nguinisirã mo nderequia. Nyucuaque abe tiarō mose shaã ngurã mo nderequia no, emo abae rerecua ra ñeë eãnte ee. Nandei rondei jachoõñenë, emo ndei eishĩ no, ï jachõõ nandei re.

Äcuãinindu ochi mose, nyucuaque eruã mose sãã chisi chõõ.

Artículo 17

Mbae ja chõõ nande mbae re, nande chuchuaa jenda, abae ra mbae sirõ arõneãnte nande mo mbae abe no, nande chuchuaa jenda.

Abae, nandemo iquechõ arõneãnte nande chuchuaa.

Artículo 18

Nande ja siquise mose Paba ibatenda rese, nandeico jaa chõõ erese, nandeico sereã mose erese. Nandeicoã erese.





Mbia mo nda nande mbui âete Paba ibatenda cheë si, abae rerecua mo abe no.

Artículo 19

Nande cheëse mose mbia chumunuã itere mose, nande ndua turã naã nyii, aquere nande cheë mbia itere cote.

Mbia mo nda nande cheë siquisã eã cote, abae mo abeno. Kuero kuero nande arõneãnte mbia itere nande irãndu turã ñaa nyii.

Abae ishonda tu mose nanderea lbiato, irãndu, nande rese, nandeabe nande cheë ee, ureirãndu ureabe jendese nande abe choõ ee.

Artículo 20

Nandemo, abaemo abe ñeë arõneãnte nande je, jë seri-imbarã i arõneãnte nande ja je.

Nande nyimunuã turã, turã, ñoõ nguia nandee emo ñeë rocoï nande je.

Artículo 21

Mbia sirionó ererecua sãã üqui ñõõ ñeë nyoi abae rerecua je, nande rerecua, jachõ abae re.

Abae rã sii chõõ nande re, abae ndua rã siichõ nande nonde. Nande nyimunuã ererecua mo mii nonde. Sãã mbia irandu ja ererecuabi rese, sãã mbia mii, mii co chõõ ererecua i uchianguire amii, ari acuañidu, nyucuakue i jachõ nande re.

Artículo 22

Nande ico turã mose nande chue abae nande resenda abe ngata turã mose mbae nandeisi ja arõndete.

Ari, amii, acuañindu, nyucuakue, nande riiri abe no, nande mbae ibi jenda ja abe no.





Artículo 23

Nde ereico chõñõõ arõneãnte bae ao ëã mose icua.

Acuanindu, nyucuaque abe, mbae isiquia isi mose, chaa mbae isiquia isi kuei kuei re. Mbae isiquia tereisi ata, nde riiri mbae rã, abe no. Mbia niimbaacua mose mbae mo ao sãcuã ümbaerã.

Artículo 24

Nande kuei, kuei mose, nande kueneã nande ucua mbiiri na, nande rete kueneãterea nande rete queneã mose ra nande mano.

Artículo 25

Sãã nande ico nanderete rea quiatu no, ëi nyere chõõ nderiiri ndae quiatu: Erasiã sãcuã, Eriãcuã ëã sãcuã, Erui ëã sãcuã, Echucharã embondo ee.

Aquë si nguiiri mo ndea mose, nyaacuquia mose, chãã sãârõ turã, ãquë rããcui, ãquë ari, embaerã jachõõ nande mbae nonde. Esi ruã ngiiri ndea mose abe no.

Artículo 26

Sãã nande riiri ñimbaaquiatu jachõõ. sãã abae ñëë ëã nande je, mbae isiquia embu seje, nderiiri mbaaquiatu jii ribisoro i arõneãnte nande ja je.

Nande ndua turã nande riiri mbaaquiatu nonde, eaquia-tuse mose sãã ñimbaaquiatu turã tuchi.

Echimbaaquiaturã tuchi ra echó, nande ja nande riiri je.

Artículo 27

Nande nyio turã tuchi mose mbae isiquia nande mbun-yao turã ñõõ nande nyue.

Nde nyio turã mose, mbae isiquia eisi icua ndea cote.





Artículo 28

Mbia nbae rã turã ja mose mbae mo nãã nonde. Mbiamo ñëë icuã ëã sãcuã nande mbae ibi nandeico mose, quenda mbia ñee icuã ëã nande rii.

Artículo 29

Mbia ja, nde abe mbae esã turã nguia mbia ja rese, nderecua ae rese ereico mbae mo ao, ao.

Ända jësãã ëã i arõneãnte abae nande rerecua je.

Jeico turã ñonguia ichõ abae rerecua nguia nande mii mii je.

Artículo 30

Ae abae siqui nguia umbae ibii. Eaquiato raque uqui nande mbui arõneãnte mbae ja si, mbae mbesa jii ja si abe no.



DEFENSORÍA DEL PUEBLO
ESTADO PLURINACIONAL DE BOLIVIA

DECLARACIÓN UNIVERSAL DE DERECHOS HUMANOS

TODAS Y TODOS SOMOS
DEFENSORES DEL PUEBLO

